



Broj: 150-15-4-570- 9 /22 MM
Sarajevo, 25-03-2022. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke usluge - mobilne telefonije za potrebe Centralne banke Bosne i Hercegovine Filijale Brčko – LOT 5

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluge mobilne telefonije za potrebe Centralne banke Bosne i Hercegovine Filijale Brčko – LOT 5, dodjeljuje ponuđaču JP Hrvatske telekomunikacije d.d. Mostar, na period od dvije godine, u svemu prema Ponudi broj: 03/2022 od 10.03.2022. godine.

Član 2.

Ponuda ponuđača iz člana 1. ove odluke, nakon održane e-aukcije, iznosi

2.160,00 KM bez PDV-a

(slovima: dvijehiljadestotinušezdeset konvertibilnih maraka i 00/100)

odnosno

2.527,20 KM sa uračunatim PDV-om

(slovima: dvijehiljadepetstotinadvadesetsedam konvertibilnih maraka i 20/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Centralna banka Bosne i Hercegovine Filijala Brčko (u daljem tekstu: Filijala Brčko).

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Filijala Brčko i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova Odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluge – mobilne telefonije, pokrenut je Odlukom, broj: 150-15-4-570-2/22 MM od 07.02.2022. godine. U skladu s tim, Centralna banka je na portalu Javnih nabavki objavila Obavještenje o nabavci broj: 1370-1-2-128-3-101/22 od 25.02.2022. godine.

U predviđenom roku za dostavljanje ponuda, do 15.03.2022. godine do 10:00, blagovremeno su dostavljene tri ponude za LOT 5 i to:

- BH TELECOM d.d. Sarajevo,
- Mtel a.d. Banja Luka,
- JP Hrvatske telekomunikacije d.d. Mostar.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da pristigla ponuda ponuđača BH TELECOM d.d. Sarajevo ne ispunjava sve uslove utvrđene u tenderskoj dokumentaciji.

Naime, ponuđač u obrascu za cijenu ponude Aneks 2. nije upisao mjesečnu cijenu pretplate. Naveden je samo naziv paketa, ali nije upisana mjesečna cijena pretplate. U obrascu za cijenu – Aneks 2 je navedeno: „Cijene moraju biti izražene u KM. Za svaku stavku u ponudi mora se navesti cijena.“ U Odjeljku C- PODACI O PONUDI tenderske dokumentacije, pod rednim brojem 5. je navedeno slijedeće: „Ponuđači su dužni dostaviti popunjen obrazac za cijenu ponude, za svaki LOT za koji podnose ponudu, u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“

S obzirom na naprijed navedeno Komisija je utvrdila da ponuda ponuđača BH TELECOM d.d. Sarajevo ne ispunjava sve uslove iz tenderske dokumentacije za LOT 5 i da je ista neprihvatljiva.

Komisija je utvrdila da ponude ponuđača Mtel a.d. Banja Luka i JP Hrvatske telekomunikacije d.d. Mostar zadovoljavaju sve uslove tražene tenderskom dokumentacijom.

Sa navedena dva ponuđača je zakazana e-aukcija za dan 21.03.2022. godine. Po završetku e-aukcije prvorangirana je ponuda ponuđača JP Hrvatske telekomunikacije d.d. Mostar.

Komisija je Zapisnikom o pregledu i ocjeni ponuda, broj: 149-15-4-811-7/22 i Izvještajem o radu sa preporukom, broj: 149-15-4-811-8/22, oba od 22.03.2022. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Filijali Brčko;
- Učesnicima u postupku (original);
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).



GUVERNER
dr. Senad Softić